

Mensahe 6

Ang Prinsipyo sa Pagkausa Nato sa Dios ingon sa Gipadayag sa Basahon ni Jeremias

Basahong Kasulatan: Gen. 2:8-9, 16-17;
Jer. 2:13; 15:16, 19; 23:5-6; 31:31-34; 40:5-6, 13-14

- I. Ang tinguha sa Dios nga mausa sa tawo ug mausa Niya ang tawo makita sa pagkamay-ong sa Dios ug tawo sa ilang dagway ug pagkasama:**
- A. Walay “matang sa tawo” nga gilalang sa Dios sa Iyang kabuhatan; sumala hinuon sa Iyang matang ang gilalang Niya, sa ato pa, matang-sa-Dios; gilalang sa Dios ang tawo nga dunay espiritu nga mao ang gininhawa sa kinabuhi aron makakontak ug makadawat Niya ang tawo—Gen. 1:24-26; 2:7.
 - B. Tulo ka tawo ang nipakita ni Abraham sa Genesis 18:2-13; si Cristo—si Jehova—ang usa ning mga tawhana ug mga manulonda ang laing duha (19:1); nagpasabot kini nga duha ka libo ka tuig sa wala pa Siya magpakatawo, nipakita ang Dios ingog tawo sa pagduaw Niya sa Iyang higala nga si Abraham—2 Cron. 20:7; Isa. 41:8; Sant. 2:23.
 - C. Nipakita ni Manoa ug sa iyang asawa ang Manulonda sa Dios (ang Dios, si Jehova, tawo sa Dios—si Cristo) sa wala pa magpakatawo si Cristo—Huk. 13:3-6, 22-23.
 - D. Nakita ni Daniel ang panan-awon ni Cristo nga Anak sa Tawo sa wala pa magpakatawo si Cristo; matod pa sa Daniel 7:13-14, nakita ni Daniel ang Anak sa Tawo nga niabot uban sa mga panganod sa langit, ug niduol man ngani Siya sa Karaan sa Mga Adlaw—sa Dios sa eternidad—ug gidala nila Siya sa Iyang atubangan; gihtagagan Siyag ginsakpan, himaya, ug gingharian aron moalagad Niya ang tanang katawhan, mga nasod, ug mga pinulongan; walay kataposang ginsakpan ang Iyang ginsakpan, nga dili umalagi, ug dili malaglag ang Iyang gingharian.
 - E. Hulagway, hulagway-daan, si Adam ni Cristo—Rom 5:14.
 - F. Si Cristo ang dagway sa Dios nga dili makita—Col. 1:15.
 - G. Ang Pulong (Dios) nahimong unod (Juan 1:14), nianhi sa pagkasama sa unod sa sala (Rom. 8:3) ug walay sala sa unod (2 Cor. 5:21; Heb. 4:15).
 - H. Si Cristo nga naa sa porma sa Dios, nisul-ob sa porma sa ulipon, nahimong kasama sa mga tawo ug nakit-an diha sa panagway sa tawo, sa Iyang pagpakatawo—Fil. 2:6-8.
 - I. Nakita ni Esteban nga naabli ang mga langit ug ang Anak sa Tawo—si Cristo—sa may tuong kamot sa Dios (Buh. 7:56); nagpakita kini nga sa nikayab na si Cristo sa mga langit, Anak sa Tawo gihapon Siya (tan-awa ang *Mga Alawiton*, #132).
 - J. Niingon si Ginoong Jesus sa Mateo 26:64 nga, “Makita ninyo ang Anak sa Tawo nga maglingkod sa tuong kamot sa Gahom [Dios] ug moabot ibabaw sa mga panganod sa langit”; nagpakita kini nga inigbalik ni Ginoong Jesus, Anak sa Tawo gihapon Siya.
 - K. Gisultian ta ni Pablo sa Roma 8:29 nga ang mga giulang daan sa Dios (kitang mga magtutuo), gitudlo sab Niyang daan nga masama sa dagway sa Iyang Anak, aron mahimo Siyang Panganay sa daghang magsoon; sa pagbanhaw Niya aron himoon tang daghang igsoon Niya, nahimo tang bag-ong matang, ang “Dios-tawong matang.”

Mensahe 6 (sumpay)

- L. Niingon ang 2 Corinto 3:18 nga, “Kitang tanan nga dunay nawong nga wala matap-tapi, nga nagtan-aw ug nagpasumbalik samag salamin sa himaya sa Ginoong, kamulong gitransporma ngadto sa mao ra nga dagway gikan sa himaya ngadto sa himaya, ingon nga gikan gyod sa Ginoong Espiritu”; naghisgot ang Roma 12:2 sa pagkatransporma nato sa pagpabag-o sa atong salabotan.
- M. Naghisgot ang Filipos 2:15 sa pagkawalay-ikasaway ug pagkamatinud-anon nato, nga mga anak sa Dios nga walay apan diha sa kaliwatang hiwi ug masupilon, nga nagsidlak diha nila ingog mga maghahayag diha sa kalibotan.
- N. Usbon ni Ginoong Jesucristo ang dagway sa lawas sa atong kaulawan aron masama sa lawas sa Iyang himaya, uyon sa Iyang pagbuhat nga tungod niana makahimo Siya bisan sa pagpasakop sa tanang butang Kaniya—3:21.
- O. Kon ipadayag na si Cristo, tibuok, hingpit, ug bug-os tang masama Niya, kay makita man nato Siya ingon gyod sa Iyang pagkamao—1 Juan 3:2.
- P. Mahingpit kining tanan sa Bag-ong Jerusalem; niingon ang Bugna 4:3 nga, “Siya [ang Dios] nga naglingkod samag hitsura sa batong jaspe”; sama sa jaspe ang hitsura sa Dios, nga naglingkod sa trono.
- Q. Matod pa sa Bugna 21, sama sa labing bililhong bato, sama sa batong jaspe, ang kahayag sa Bag-ong Jerusalem (v. 11); jaspe ang pagkatukod sa paril niini, ug jaspe sab ang unang patukoranan sa paril niini (vv. 18, 19):
 - 1. Sa kataposan, jaspe ang hitsura sa Dios ug sa tawo, sa tawo ug sa Dios; busa, ang kataposan ug kahingpitan sa Biblia mao ang Bag-ong Jerusalem—ang Dios nga nasagol sa tawo; nahimong puluy-anan sa tawo ang Dios, ug nahimong balay sa Dios ang tawo.
 - 2. Masanagon ug masilawong napadayag ning syudara ang himaya sa Dios diha sa tawo; kamulo tang gihimong Dios karon aron mahimong Bag-ong Jerusalem ug maparehag hitsura sa Dios—jaspe—vv. 11, 23.
 - 3. Sa kataposan ning panahona, gitudlo ug gisangyaw nato ang kamatuoran nga nahimong tawo ang Dios aron himoong Dios ang tawo, nga sama Niya sa kinabuhi ug kinaiya apan dili sa ranggo sa Dios; dako nga panalangin nga makadungog ta ning kamatuorana.
 - 4. Sa kapulihay, ang mga Dios-tawo mao ang mga mananaog, ang Sion sulod sa Jerusalem; ang pagkinabuhi nato sa Dios-tawong pagkinabuhi sa tanang detalye sa atong inadlawng kinabuhi magpadangat mag bag-ong pagkadasig pag-usab nga wala pa sukad mahitabo sa kasaysayan, ug motapos kini ning panahona—basaha ang Salmo 48:2 ug nota 1.

II. Gipakita sa basahon ni Jeremias kanato ang prinsipyo sa pagkausa nato sa Dios:

- A. Ang prinsipyo sa pagkausa nato sa Dios, nga mao ang prinsipyo sa kahoy sa kinabuhi, batok sa prinsipyo sa kahoy sa kajibalo sa maayo ug daotan, makita sa Jeremias 2:13, nga nagpadayag sa duha ka sukaranong sala sa katawhan sa Dios:
 - 1. Ang unang sala mao ang pagsalikway nila ni Jehova nga tuboran, tinubdan, sa buhing mga tubig; ang ikaduhang sala mao ang pagkalot alang sa ilang kaugalingon og mga pundohanang niliki nga dili kasudlag tubig.
 - 2. Ang prinsipyo sa Biblia mao nga dili buot ang Dios nga naay himoon ang Iyang piniling katawhan nga laing tinubdan nila gawas Niya mismo; sa pagbutang sa Dios sa tawo atubangan sa kahoy sa kinabuhi, nga nagtimaan sa Dios nga kinabuhi, gipakita Niya nga buot Niyang mokaon ang tawo sa kahoy sa kina-

Mensahe 6 (sumpay)

- buhi, dili sa laing kalan-on; ang pagkaon nato sa kahoy sa kinabuhi paghimo man nato sa Dios nga bugtong tinubdan nato, tinubdan nato sa tanan—Gen. 2:8-9.
3. Ang ikaduhang sala kana mang wala mosalig ang katawhan sa Dios Kaniya ug nisalig hinuon sa ilang kaugalingon sa pagbuhat sa bisan unsang mabuhat nila aron duna silay mahimo sa ilang kaugalingon alang sa kaugalingon nilang pagpahimulos; ang sala pagsalikway man nato sa Dios ug pagbuhat og butang sa ato rang kaugalingon ug alang sa atong kaugalingon.
 4. Nagpakita kining duha ka sukaranong sala sa kahoy sa kinabuhi, nga nagtimaan sa Dios, ug sa kahoy sa kahibalo sa maayo ug daotan, nga nagtimaan ni Satanas (vv. 8-9, 16-17); nasimang ang Israel gikan sa kahoy sa kinabuhi ngadto sa kahoy sa kahibalo, gikan sa tuboran sa buhing mga tubig ngadto sa mga pundohanon (mga diosdios).
- B. Gibutang sa Dios ang tawo atubangan sa kahoy sa kinabuhi, nagpakita sa tinguha Niya nga mausa sa tawo, sa ato pa, mahimong kinabuhi, sangkap sa kinabuhi, ug tanan sa tawo—vv. 8-9:
1. Nagtimaan ang kahoy sa kinabuhi sa gilansang sa krus (gipasabot sa kahoy nga tabla—1 Ped. 2:24) ug nabanhaw (gipasabot sa kinabuhi sa Dios—Juan 11:25) nga Cristo nga pagkalawas sa tanang kadato sa Dios nga makaon nato.
 2. Ang pagkaon sa kahoy sa kinabuhi, sa ato pa, pagpahimulos kang Cristo nga atong sangkap sa kinabuhi, mao gyod untay unang butang diha sa iglesiahanonng kinabuhi; ang pagdawat nato ni Cristo sa pagkaon nato Kaniya organico ug metabolico mang paghilis-sagol Kaniya sa atong pagkatawo aron masagol Siya kanato—Bug. 2:7; Juan 6:57, 63:
 - a. Ang mga pulong nga gipanulti sa Ginoo espiritu ug kinabuhi; nagpakita kini nga ang mga pulong nga gipanulti sa Ginoo pagkalawas sa Espiritu sa kinabuhi—v. 63:
 - 1) Siya karon ang Espiritung taghatag-og-kinabuhi diha sa pagkabanhaw (1 Cor. 15:45), ug gipakalawas sa Iyang mga pulong ang Espiritu.
 - 2) Dawaton ngani nato ang Iyang mga pulong pinaagi sa tanang pag-ampo ug pagpangamuyo (Efe. 6:17-18) sa paggamit nato sa atong espiritu, maato ang Espiritu, nga kinabuhi.
 - b. Ang pagkaon nato ni Cristo pagkaon man sa Iyang mga pulong, pagdawat sa Iyang mga pulong, nga pagkalawas sa Espiritu sa kinabuhi, sa paggamit nato sa atong espiritu—Jer. 5:16; Efe. 6:17-18; 1 Ped. 2:2; Heb. 5:13-14; Ezeq. 3:1-4.

III. Aron madawat ug matuman nato ang pulong sa Dios, kinahanglan bug-os tang mausa Niya:

- A. Ang hitabo ni Gedalia hitabo man sa tawong wala mausa sa Dios; bisan nagmatinumanon si Gedalia sa pag-atiman niya ni Jeremias, nga propeta sa Dios, wala siya magtinguha sa pulong sa Ginoo, kay dili man kini batasan niya—Jer. 40:5-6, 13-14:
1. Wala himoa ni Gedalia ang Dios nga tinubdan niya aron mausa unta Niya ug modawat sa tanang nigula Kaniya; kon tawo pa siya nga nausa sa Dios, ang unang buhaton niya mao unta ang pagdawat sa pulong sa Dios.
 2. Aron madawat ug matuman nato ang pulong sa Dios nga pagpadayag sa Iyang hunahuna, kabubut-on, tinguha sa kasingkasing, ug gikahimut-an, kinahanglan

Mensahe 6 (sumpay)

- bug-os tang mausa sa Dios, mosalig Niya, mag-agad Niya, ug walay bisan unsang opinyon nga maggikan sa kaugalingon—itandi sa 2 Cor. 1:8-9, ug v. 12, nota 2.
3. Ang prinsipyo sa Biblia, ilabi na sa Bag-ong Tugon, mao nga gibuksan sa Dios ang Iyang Kaugalingon kanato aron mosulod ta Niya, modawat Niya, ug mausa Niya; maanaa dayon Siya nato, ug maanaa ta Niya, maghimo Niya nga atong tanan—Juan 15:4-5; 1 Juan 2:28; 3:24.
 4. Ang unang dawaton nato mao ang Iyang pulong nga magpadayag sa Iyang hunahuna, kabubut-on, tinguha sa kasingkasing, ug gikahimut-an; dili ta magtagad sa atong mga opinyon ug gusto; sa ingon niini mahimo tang tigpamaba Niya nga mamulong Kaniya ngadto sa uban aron masangkapan sila—Jer. 1:6-9.
- B. Giingnan sa Ginoo si Jeremias nga, “Kon kuhaon nimo ang bilihon gikan sa walay bili, / Masama ka sa Akong baba”—15:19; 23:29, itandi sa v. 16:
1. Mahayagan gyod unta ang mga mata sa atong kasingkasing aron makakita sa labawng pagkamaayo, pagkauna-sa-tanan, labaw kaayong bili ni Cristo nga pagkabilihon sa Iyang mga magtutuo aron mabatonan si Cristo, mag-isip nga kapildihan ang tanang butang nga dili Cristo—Fil. 3:7-9; 1 Ped. 2:7, itandi sa vv. 4, 6.
 2. Mahalon gyod nato ang mga pulong sa Ginoo labaw pa sa kalan-ong gipahat kanato, motilaw sa Ginoo diha sa Iyang pulong nga realidad sa maayong yuta nga nagpaagay og gatas nga makatil-og ug bag-ong dugos nga ikapaambit nato sa katawhan sa Dios aron hingpit silang maluwas—Job 23:12; 1 Ped. 2:2-5; Sal. 119:103; Deut. 8:8; A. A. 4:11.
 3. Mahalon gyod nato ang mga pulong sa Ginoo labaw pa sa tanang kadato sa yuta aron makapamulong tag mga orakulo sa Dios (pagpamulong sa Dios nga nagpadayag og diosnong pinadayag) aron ikapaambit ang dili matugkad nga kadato ni Cristo isip nagkadaiyang grasya sa Dios ngadto sa tanang balaan—Sal. 119:72, 9-16; Efe. 3:8; 2 Cor. 6:10; 1 Ped. 4:10-11.
- IV. Ang sekreto sa mga pagkapakyas ug pagkapildi sa Israel mao nga nawad-an sila sa presensya sa Dios ug wala na mausa sa Dios (itandi sa Jos. 7:3-4; 9:14); mausa gyod unta ta kanunay sa atong Dios, nga dili lang naa sa atong taliwala kondili naa sab sa atong sulod, naghimo natong mga tawong naay Dios—mga Dios-tawo:**
- A. Isip mga Dios-tawo, batasanon gyod nato nga mausa sa Ginoo, maggawi uban Niya, magkinabuhi uban Niya, ug maanaa Niya ang tibuok natong pagkatawo (Rom. 8:4; 2 Cor. 2:10; Gal. 5:16, 25); kini ang paggawi isip Cristohanon, pagpakig-away isip anak sa Dios, ug pagtukod sa Lawas ni Cristo; kon naa nato ang presensya sa Ginoo, nausa ta Niya, naa tay kaalam, pagpanabot, panglantaw, ug sulodnong pagkaila sa mga butang; ang presensya sa Ginoo maoy tanan alang nato.
 - B. Ang pagkagahig-ulo sa mga anak sa Israel sa pagpakasala nila sa Dios tungod man kay wala sila mausa sa Dios (Jer. 42:1—43:2): kon nausa pa sila sa Dios, dawaton unta nila ang pulong sa Dios ug masayod sa Iyang kasingkasing, kinaiya, hunahuna, ug tuyo; labot pa, diha-dayon unta silang magkinabuhi Niya ug maumolan Niya aron mahimong panghimatuod Niya dinhi sa yuta.
 - C. Kadtong wala mausa sa Dios wala modawat sa Iyang kabubut-on ug gikahimut-an, nagpadayag hinuon sa ilang mga opinyon ug nag-agpas sa ilang mga gusto; ang pagbuhat niini pagsalikway man sa Dios nga tinubdan, tuboran, sa buhing mga tubig ug pagkalot og mga pundohanang niliki nga dili kasudlag tubig—2:13.

Mensahe 6 (sumpay)

- V. Aron mausa ta sa Dios, nagkinahanglan ta ni Cristo nga Saha ni David nga mahimong pagtubos ug pagmatarong nato; magdala kini sa Tulo-usang Dios nganhi nato aron mahimong atong kinabuhi, balaod sa kinabuhi sa sulod, kahimoan, ug tanan aron ipaambit Siya sa atong pagkatawo aron matuman ang Iyang pamatigayon; kini ang bag-ong pakigsaad (31:33); sa kapulihay, makaila ta sa Dios, magkinabuhi sa Dios, ug mahimong Dios sa kinabuhi ug kinaiya apan dili sa ranggo sa Dios aron mahimo tang hiniusang pagpadayag Niya nga Bag-ong Jerusalem—23:5-6; 31:31-34; Bug. 21:2.**